

CUSSEGL GROND

Sessiun da zercladur 2023

Incumbensa da la fracziun da la PS concernent Airbnb (emprima sutsegnadra Preisig)

Ils 12 da mars 2023 han las votantas ed ils votants da la citad da Lucerna acceptà l'iniziativa dal pievel «Wohnraum schützen – Airbnb regulieren» da la PS cun 64,25 pertschient vuschs affirmativas. Els han pia decidì da regular pli fitg las locaziuns da curta durada d'abitaziuns. Quai sut l'aspect ch'il spazi d'abitar daventa pli e pli stgars.

Er il Grischun enconuscha il problem da la mancanza da spazi d'abitar, gist en hotspots turistics è la mancanza acuta. La dumonda sa tschenta, tge influenzas che Airbnb ed autras plattafurmas digitalas per reservar abitaziuns da vacanzas han sin la disponibladad d'emprimas abitaziuns. Er sa tschenta la dumonda, tge effects che las plattafurmas digitalas da reservaziun, ch'èn entant etablidas cumplainamain, han per l'hotellaria ed en general per la valorisaziun turistica.

Per chattar ina soluziun adattada per il Grischun per ir enturn cun Airbnb e cun autras plattafurmas da reservaziun, incumbenseschan las sutsegnadras ed ils sutsegnaders la Regenza,

1. d'elavurar u da laschar elavurar in rapport complessiv davart ils effects dad Airbnb e d'autras plattafurmas da reservaziun per locaziuns da curta durada sin il martgà d'abitaziuns sco er per la valorisaziun turistica;
2. da proponer al Cussegl grond en quel rapport – sche necessari – mesiras per proteger las emprimas abitaziuns e la valorisaziun turistica.

Claustra, ils 15 da zercladur 2023

Preisig, Perl, Müller, Atanes, Bachmann, Bardill, Baselgia, Biert, Bischof, Bisculm Jörg, Bleuler-Jenny, Cahenzli-Philipp (Vaz Sut), Degiacomi, Dietrich, Gartmann-Albin, Gredig, Hoch, Hofmann, Kaiser, Kreiliger, Mazzetta, Peter, Rettich, Rusch Nigg, Rutishauser, Walser, Wilhelm